

...dia 18 di novèmber próksimo...

APERTURA EKSPOSISHON DI FOTOGRAFIA "RECORDAR ES VIVIR"

WILLEMSTAD.- Dia 18 di novèmber próksimo, Monique Harbers ta habri su eksposishon di fotografia ku ta hiba e titulo "Recordar es Vivir".

Durante Harbers su trep den Otrobanda i tambe riba kaminda di Bándabou, edifisionan, esta kasnan bandoná òf lanthùisnan den ruina ta hala su atenshon.


E ta puntra su mes: "Ta ken lo a biba den e kasnan aki, kua lo tabata e aparsia original dje

edifisionan". Despues e ta imaginá su mes rekuerdo di e habitantenan anterior: "recordar es vivir".

Kòrsou tin hopi di e lugánan ekstraordinario aki. I esaki ta inspiré pa kapta e edifisionan aki ku su kámara den forma outéntiko.

E ta spera ku e bishitantenan di e eksposishon por rekonosé e elementonan òf rekordá kon e edifisionan di Otrobanda i Bándabou tabata ántes.

E eksposishon aki ta e di kuater di Harbers komo fotógrafo. Su di tres eksposishon di fotografia di mesun titulo a tuma lugá den luna di sèptèmber durante di North Sea Jazz festival na Kòrsou, den e sala di espera di e artistanan internashonal ku tabata na Kòrsou. Djabièrnè awor, 18 di novèmber tin apertura dje eksposishon di 5:30 di atardi pa 10'or di anochi, na Primas Restorant, lanthùis Vredenberg. Entrada ta



grátis. Primas ta ofresé vários biña, i tambe e lo tin un menù spesial di tres plato pa solamente Naf.60,-. Pa reservashon di e menù di tres entrada mester reservá

na telefon 461-2901.

Despues di e inougurashon, e eksposishon ta keda den restorant Primas te na final di desèmber. *Extra, 15-11-11*